

Message Seven
Hingna Takaawi

Teeham Caciim. Jhn,6:22-71

- I. Mami lawng Johan 6 te ngaithuen la n'tee kawi nih he aboel te a dung la noekna oen awlpui cadoelh pasarih kah abuelhmaihna te awlpui la n'khueh u thai ai.**
- A. Bawipa tah hingna takaawi la awm – athaan,35, 48.
 - B. Bawipa tah mami lawng n'caak hamla Bawipa kah hingna takaawi te peek la awm – athaan,51.
 - C. Bawipa tah mami lawng aawk hamla athisen te khaw peek la awm – athaan,53.
 - D. Bawipa tah aduek bueng mueh la, thawhkoop la khaw awm – athaan,56.
 - E. Khrih tah ka khuiah ahing dawngah mami tah Bawipa thawng dawngah n'hing tih, Pathen haaiah hing khaw n'sak u – athaan,57.
 - F. Bawipa kah dauben thisa nawh tih, Bawipa kah Muithal lawng mami te hingna oen hing bawmcemna n'peek – athaan,63a.
 - G. Muithla tah Bawipa kah athui awlthli dawngah awm. Bawipa kah awlthli tah muithla oen hingna la awm – athaan,63b.
- II. Bawipa Jesu tah vaan kalawng diklai ah arum naham la aka awlpui poekna tah alungkir akawnglam pakhat – Bawipa amah te mami teng caakoei la – hingna takaawi la – peekna – te asoep sak ham ni, tedengah Bawipa tah mami rangoen caak raawi la awm thai ai – athaan,50-51.**
- III. Johan awlthangtheen cabu aboel 6 tah Bawipa Jesu te hingna takaawi la acek aneh thutna la awm. Bawipa lawng “kai tah hingna takaawi la ka awm” tila apang pui – athaan,48.**
- A. Johan 6 kah aka zahawh cathaanthli lawng mami kah huhtawngna oen awmngaihna ham Khrih tah hingna takaawi la awm tite athui – athaan,27, 32-35,47-58, 63a, 68b.
 - 1. Johan aboel 6 apum boeih ah awlpukoek cadoelh tah Khrih tah mami kah caak, hingna takaawi la awm – athaan,35, 48.
 - 2. Bawipa te caakna tah apumboeih te vaai la caak ham kawng nawh ni. Tezuengla mami lawng Bawipa te hinrook thlouthlanna oen Bawipa te n'caak ham angoe, metitiah Bawipa tah caakoei la a awm dawngah ni – athaan,50.
 - 3. Mami kah muithla te thuekdang tih Bawipa te hingpui ham, Bawipa te dang ham, Bawipa te caak raawi ham, Bawipa te huhtanwg ham, Bawipa te awmngaih ham oen atue roekah Bawipa te khawkaan pui ham angoe – athaan,56-57.
 - 4. Mami boeih lawng pakhat bueng thaihu – Khrih te caakna – bueng te ngaithuen ham theen tih, Bawipa te n'caakna rangoen hing khaw n'sak ham ni – athaan,54.
 - B. “Aka haata hamkoei buh dang hamla bi bi u boel, thlaanghing Capa lawng n'peek hamkoei dungzaan hingna buh dang hamla bi bi u lah” athaan,27.
 - 1. Dungzan hingna tah Pathenk ah Pathenben hingna, suen la aka awm nawh hingna la awm tih, tetah atue oen tuhkai la dungzan toe acak bueng ouhla, coengna dawng khaw dungzan oen Pathenben la awm – 3:15.
 - 2. Dungzan hingnaben toe aka cak caakkoei tah mami te n'bawmcem thai tih, dungzan hingna khuiah mami te khuen thai la awm – 6:27.
 - C. “Apa lawng ni vaan kah takaawi tang tang te nangmi n'peek u. Pathenk ah takaawi tetah diklai tengah hingna aka pekung vaan kalawng aka law thuk thlaang te ni” - athaan,32-33.
 - 1. Muithlaben thaihuthi bueng ni asoeng, “Muithla tah asoengna la awm” – 1Jhn,5:6b.

2. Asoeng takaawi la Khrih tah awltak kah takaawi, akasoeng takaawi la awm. Khrih tah doeng, soeng.
 3. Mami boeih tengah dungzan hingna aka van khuen ham Pathen rangoen tuih la aka awm aka soeng takaawi la Khrih te ngoe tikah cadoelh oen adungla noek heet ham angoe.
 4. Johan 6:33 kah “Pathen kah takaawi” tah athaan 32 kah “aka soeng takaawi” la awm.
 5. Vaan kalawng aka rumthuk takaawi la Krih tah vaanben takaawi la awm tih, Pathen kah takaawi la Bawipa tah Pathen koe la awmna, Bawipa tah Pathen rangoen tuihna, Bawipa tah Pathen oen haih awm la awm – athaan,33.
 6. Mami lawng he takaawi n’caak tih caak raawina a awm vengah tetah mami kah tuhtawm nala vacoeng tih, mami tah Bawipa oen pumkhat la n’cuut haih tih, thoek haih la n’awm u – 1Kor,6:17.
 7. Vaan kalawng akarum thuk hingna takaawi te aka caa thlaang boeih tah dungzan hing la awm ai – Jhn,6:50-51a.
- D. Athaan 51b ah Bawipa Jesu lawng “Tekah takaawi tetah, diklai lawng hingna akhuehna ham ka peek ham koei ka ngan he ni” tila athui.
1. He cadoelh ah takaawi tah angan la vacoeng.
 2. Bawipa lawng atakpum, tetah Bawipa kah athi angan te mami ham duek la awm ham pe u tih, tetila mami lawng hingna te n’dang thai la awm ai.
- E. “Awltak ka van thui u, thlaanghing capa kah angan te na ca u nawh tih, athi te na aw u nawh kawih nih, hingna na khueh u manawh” – athaan,53.
1. Athi oen angan athloek la awm natah duekna te thuingaih la awm.
 2. Hehuen ah Bawipa lawng Bawipa kah aduekna, telawng Bawipa ngawn la a awm nate ciimphan la athui nala awm.
 3. Bawipa tah mami ham Bawipa takpum te peek la awm tih, Bawipa kah athi te alaawng sak, tetila mami lawng dungzan hingna te n’dang thai ai.
 - a. Bawipa kah angan caakna tah mami ham Bawipa kah pum te peekna dawngah Bawipa lawng asai thaihu boeih te oengna rangoen n’dang ham la ni.
 - b. Bawipa kah athi tea awk natah mami ham Bawipa kah athi te alaawngna dawngah Bawipa lawng asoepsak thaihu boeih te oengna rangoen n’dang ham la ni.
 4. Bawipa kah angan te caakna oen Bawipa kah athi te aawkna tah Bawipa kah tlangna dawngah thinglamtah sawah mami ham Bawipa asai thaihu dawngah oengna rangoen hingna oen hing bawmcem nala Bawipa te dang ham la ni.
 5. Athaan 53 oen athaan 47 te nuehtahna rangoen Bawipa kah angan te caakna oen Bawipa kah athi te aawkna tah Bawipa dawngah tangna ham tite n’huh u, mtihtiah oengna oen khuiben ah oengna tah dangna a awm dawng ah ni – 1:12.
- F. “Ka ngan he buh tang tangla awm tih, ka thi he aawk ham tang tangla awm” – 6:55.
1. Mami lawng thlaanghing Capa kah angan te caakna oen Bawipa kah athi te aawkna awm nawh atah, mami khuiah mami dawngah dungzan hingna awm thai manawh.
 2. Bawipa te caakna oen Bawipa te aawkna awm atah mami lawng Bawipa thawng dawngah hingna te n’dang u ai.
- G. Baibul cabu apum boeih dawngah tha akaraa koek oen kawpoek akarai koek catlaang tah Johan 6:57 he ni, “Aka hing Pa lawngah kai n’tuih angla Pa rangoen kai khaw ka hing, tetihvan angla kai aka ca tetah kai rangoen hing van ai”.
1. Caakna tah caakaw te mami khuiah khuen nala awm tih, tetila caakaw tah mami kah takpum khuiah hingnaben pumkhat la raawi haih thai la awm ai.

2. Bawipa Jesu te caakna tah mami khuiah Bawipa te n'dangna oen, Bawipa tah cuunkoep la aka awm thlaangthai rangoen hingna lawngim dawngah pumkhat la raawi haih ham la ni.
 - a. Tevengah mami lawng dang la aka awm Bawipa rangoen n'hing u.
 - b. Heti rangoen thawhkoep la aka awm Bawipa tah mami dawngah hing khawsak nala awm – 14:19-20.

IV. “Muithla lawng hingna tea peek, pumsa tah tula cooeng nawh. Nangmi teng awl kavan thuithli he Muithla awl la a awm dawngah hingna awm” -6:63.

- A. Johan 6 kah aboetna benah Khrih tah hingna akapekung Muithla oen awl la acoengna akawng lam la awm.
- B. Khrih tah te Muithla la a awm angla mami lawng Bawipa te mami khui kah te Muithla la n'thlouthlan thai u – 1Kor,15:45.
- C. Bawipa tah hingna akapekung Muithla la awm dawngah mami lawng Bawipa te mami kah caakoei la hangdangna oen Bawipa te pumkhat la caakraawi nala n'awm thai u.
- D. Bawipa Jesu te hingna takaawi la, mami aka bawmcem ham hing bawmcem nala n'dang ham atah Bawipa tah hing pekung Muithla la awm tite, he Muithla tah Awl dawngah pum tueng tite n'huh u ham la angoe – Jhn,6:63.
- E. Bawipa lawng mami n'peek thaihu tah hingna pekung te Muithla la awm. He Muithla tah thawhkoepna dawng aka awm Bawipa amah la awm – 1Kor,15:45.
- F. Johan 6:63 ah “awlthli” hu ah Muithla va law.
 1. Bawipa lawng hingna apeek ham Bawipa tah te Muithla la acoeng ham tite athui la awm.
 2. Tecoengah Bawipa lawng a awlthuithli boeih tah muithla oen hingna la awm tite athui. Hetah Bawipa lawng athui awlthli tah hing pekung Muithla kah pumtuengna la awm tite athui – athaan,63.
 3. Mami lawng awl dawngah Muithla te huhtawngna a awm nawh atah, hingna te n'dang thai manawh.
 4. Hinrooek mami tah Bawipa teng n'law tih Awl dawngah Muithla la Bawipa te huhtawng ham angoe. Mami lawng hetih n'sai kawi nih Khrih te hingna takaawi la n'caak la awm ai – athaan,35.
- G. Johan aboel 6 tah hingna kah awl oen aboet saktih, tetah mami hamla Bawipa te hingna takaawi la n'dang hamla alawngim ni tite athuingaih la awm – athaan,63.
 1. Mami lawng awl te n'dang kawi nih mami dawngah Muithla awm vetih, mami khuiah Muithla a awm atah Khrih te khuien hing bawmcem nala n'dang thai u ai.
 2. Mami kah ngoe natah Khrih te hing bawmcem nala khawseh, tecoengah hinrooek Bawipa te awl dawngah pum akatueng hing pekung Muithla la thouthlan ham ti khawseh mami khatrip lawng zakming thai u hawn seh.